

47279/P 47916 38
DE
APPETITV ERRONEO,

QVEM VVLGO
P I C A M

VOCANT,
P E R M I S S V
GRATIOSISSIMÆ FACVLTATIS MEDICÆ
IN ALMA LIPSIENSI

S V B P R Æ S I D I O
D. AVGVSTI QVIRINI RIVINI,
P. P.

PRO LICENTIA
SVMMOS HONORES MEDICOS IMPETRANDI
DISPVTABIT

WOLF HENRICVS SCHREY,
AVTOR ET RESPONDENS,

DIE XVIII. APRILIS *clj lxxxix.*

H. L. Q. C.

L I P S I Æ,
LITERIS IMMANVELIS TITII.

Handwritten text in a cursive script, likely a letter or document. The text is written in dark ink on aged, yellowed paper. The handwriting is somewhat faded and difficult to decipher, but appears to be a continuous flow of text. The paper shows signs of wear, including creases and discoloration.



Q. D. B. V.

§. I.



In morborum appellationes examinemus, constabit haud obscure, plerasque græcas esse, paucissimas vero latinas. Cuius rei non alia videtur causa, quam quod antiquissimi Auctores, in Scholis Medicorum recepti, sint HIPPOCRATES ac reliqui Græci. Nemo autem inter Romanos usque ad Augusti Cæsaris tempora seu natiuitatem Saluatoris nostri scriptis inclaruit, siquidem urbs, teste PLINIO *Hist. Nat. Lib. XX. cap. 9. p. m. 617. & Lib. XXIX. cap. I. p. 250. & 257.* plus quam 600 annis Medicis caruit, imo & primos a Græcis impetrauit Medicos, uti ARTORIVM MVSAM, Augusti Cæsaris Medicum, ANDROMACHVM, Neronis Archiatrum &c. Quotquot ergo e SCRIBONIO LARGO, CORNELIO CELSO, PLINIO cæterisque primis Scriptoribus Latinis colligere licet morborum nomina, vix ac ne vix quidem satisfaciunt; & quæ postmodum superaddita fuere a recentioribus, dum auctoritate classica desti-

Picæ nomen

tuuntur, non omnibus æque arrident, uti vel unicum Picæ, cuius tractationem suscepi, exemplum probare poterit.

§. II.

Latinum morbo cum aue pica commune.

Quis primus Picam dixerit morbum, haud satis constat. Audiamus ea de re VOSSIVM *de vitiis serm.* C. 32. p. 137. Vulgo, sed sine Veterum exemplo, Pica a Medicis vocatur, quod grauidarum Malaciam Plinius appellat. Forſan in eo JOH. GORRÆVM imitatus eſt, qui in *Definit. Med.* p. 229. ita loquitur: Quamuis *πίττα* picam auem ſignificet, non tamen de affectione iſta loquens picam recte v. ertere poteris, niſi quadam Græcorum imitatione, ſine tamen idoneo Auctore, quod nemo unquam latine picam pro eo affectu dixerit. PLINIVS certe nunquam picam, ſed grauidarum malaciam ſæpe dixit. Verum hætenus non niſi tria in PLINIO loca reperire licuit. Primus eſt *Lib. XXIII. cap. 6. p. m. 840.* ubi ſemen citreorum malorum edendum in malacia commendat: alter eſt *l. c. p. 841.* malicorium expetitur grauidarum malaciæ: tertius eſt *Lib. XXVIII. cap. 7.* lac muliebri in malacia ſtomachi efficaciffimum. In quibus tamen nulla fit mentio appetitus rerum abſurdarum, ideoque malacia hæc male cum pica confunditur, ut in §. V. ulterius apparebit.

§. III.

ex Græco translatum.

Apud Græcos *πίττα*, Attice *πίττα* picam ſignificat & auem & morbum, uti apparet ex ARISTOPHANIS *Ὀψιθ.* verſ. 1297. p. 424. & VETERI SCHOLIASTE ad hunc locum, item in *ΕΦΗΜ.* ad verſ. 348. p. 291. & *εἰρην* verſ. 496. p. 349. DIOSCORIDE *Lib. I. cap. 167.* GALEN. *de Cauſ.*

de Caus. Sympt. cap. 7. & de locis affectis Lib. V. cap. 6.
 PAVLVS ÆGINETA *Lib. I. cap. 1. & ALEXAND.*
 APHRODIS. *Probl. Lib. II. Q. 73.* Κισσᾶν autem idem est,
 quod anxie desiderare vel appetere. Pica enim auis
 voracissima est ἀδὴφαγος καὶ πᾶμφαγος, *vid. ARISTOPH.*
l. c. De Appetitu autem idem pronunciauit ARISTO-
 TELES *in Hist. Animal. Lib. VII. cap. 4. p. m. 891. &*
 SVIDAS *in Lexico sub voce κισσῶντες.*

§. IV.

Pica est appetitus insolida deuorandi, ut arenam, Eius Definitio
 carbones &c. Videlicet appetitus non uno modo læ-
 ditur: aut enim deficit in Anorexia, aut excedit in fa-
 me canina & Bulimo, aut deprauatur in Pica. De ma-
 lacia dubitari posset, utrum rectius ad appetitum de-
 prauatum, an ad auctum referri debeat: etenim gra-
 uidæ, quibus Malacia proprie competit, non tam
 errant circa obiectum, ita ut insolita, prout pica corre-
 pti, appetant, sed peccant in modo appetendi, quate-
 nus cibos alias etiam usitatos adeo anxie desiderant, ut
 nisi voti compotes fiant, contristentur, etiam lacry-
 mis copiose fusis dies noctesque rem desideratam me-
 ditentur, unde vel abortus sequitur, vel ad minimum
 embryoni nota imprimitur e.g. cerasi, *vid. HELMONT.*
p. m. 278. 432. 488. 489. 858. capitis carpionum, JOH.
 MARC. MARCI *Idear. Operatric. Idea cap. V. p. m. 170. & c.*
 Rectissime ergo a pica distinguitur malacia ex senten-
 tia CASP. à REIES *in Elys. Quæst. iucund. Camp. Qu. L. p.*
621. & MANGETTI in Biblioth. Medico-Pract. Lib. XI.
p. 246.

§. V.

a Malacia Dif-
ferentia.

Scio autem, multis confundi Picam atque Malaciam, imo & utrumque vitium in grauidis quandoque concurrere: Nihilominus discrimen satis manifeste liquet ex eo, quod in priori affectu cum voluptate assumentur etiam absurdissima: in posteriori tristitia potius animi exinde oboriatur, quod grauidæ cibus denegetur. Mixtus ergo uidetur affectus, quando grauida rem insuetam v. g. carnes humanas mordere cupit: ubi vero a suo instituto deterretur, contristatur embryonique noxam infert. Etenim quæ ab initio pica erat, postmodum in malaciam degenerauit. Sed missa nunc malacia, tanquam grauidis propria, saltem de pica sermonem instituere lubet. Hæc vero affectio communis est omni sexui & ætati. Puer adhuc lactens cum voluptate comedit terram nigram, teste SIMONE SCHVLTZIO *apud* BONETVM *in Medicina Septentrion. Part. I. p. 523.* Puella 4. annorum crines proprios JOACH. CAMERARIO *ap. SCHENCKIVM in Obs. II. de Pica, p. 320.* Puella 4 annorum quotidie multum calcis atque luti de parietibus deglubens & deglutiens, MICH. BERNH. VALENTINI *ap. BONETVM Med. Septentr. P. II. p. 463.* Puer 6 annorum cretam, pulueres & arenam, PHIL. JAC. SACHS. *ap. BONET. l.c. P. I. p. 524.* Puella 12 annorum lutum fornacum JOH. MATTHÆO *Quæst. med. p. 137.* Alia Nobilis eiusdem ætatis arenam scriptoriam deuorauit auide, notante DAN. SENNERTO *Pract. Lib. III. P. I. S. II. cap. 5. p. 392.* Bina foëminarum exempla habet CASP. HOFMANNVS *in Apologia pro Galeno Lib. III. P. II. S. II. cap. 59.* quarum

quarum una comedit calcem arena mixtam & cum virgo & cum nupta esset, semper sterilis, vultu tamen bene colorato, semperque sui moris observans ultra sexagesimum annum. Altera maritata, decolor, quæ siue prægnans esset, siue non, semper voravit cretam, sed paucis vixit annis. Vir quidam nobilis edendæ calceis viuæ desiderio diu pressus, illam tandem, pugni magnitudine voravit, unde recreatus est nulla ventriculi, nulla viscerum offensione. *vid. JOH. FERNEL. Pathol. Lib. VI. cap. 3. p. 128.* Quid? quod alius, faber sciam senex, uxoris suæ, cum grauida esset, personam egit, vomuit & pica laboravit notante D. SAL. REISELIO *in Misc. Nat. Cur. Dec. I. Ann. 2. Obs. 216. p. 316.*

§. VI.

Ratione obiecti maior occurrit differentia. Etenim sub nomine insolitorum veniunt partim quantitate, partim qualitate peccantia. Atque hinc Picæ quatuor gradus constitui possent. In primo gradu appetit æger rem insolitam quantitate, quando ea, quæ alias pro condimento ciborum parcius sumuntur, in excessiva capit quantitate. Sic refert ZACVTVS LVSI-
TANVS *Prax. Med. admirand. Lib. III. Obs. 120. p. m. 129.* de virgine, quæ salem in tanta quantitate adsueta erat deuorare, ut multoties in die duas esitaret libras. Et NIC. NICOLVS *Serm. V. Tract. IV. c. 36.* de uxore Nicolai Domini Francisci de Barberino, eam tempore gestationis viginti circiter libras piperis comedis-
Et FELIX PLATERVS *Lib. I. Obs. p. 239.* Foeminam quandam grauidam aliquot libras zingiberis maxima voluptate sine ullo incommodo una vice deuorasse. Pica se-
cundi

cundi gradus nominari posset, quodocunque circa unicam rem, sed omnino alienam a ciborum genere appetitus peccat, exemplo monachi, qui, notante JOH. SCHENCKIO *Obs. Lib. III. O. I. de pica*, cretam tanta cum voluptate comedebat, ut eam continuo secum portaret. Terti gradus longe peior est, quoties varia absurda inter se tanquam conuenientia deuorant, quemadmodum legimus ap. HENR. SALMVTH. *Cent. II. Obs. 62. p. 89.* Virginem quandam 18 annorum omnibus rebus candidis mirifice delectatam, non solum cretam anxie appetiisse, sed etiam calcem parietibus derasam deuorasse miramque illius dulcedinem & suauitatem prædicasse. Hæc cum ab eiusmodi rerum esu nullis precibus dehortationibusque, imo nec parentum minis abstrahi deterreriue posset, tandem etiam cerussæ portiunculam deglutiuit, unde in grauissima incidens symptomata, ac etiam peiora metuens, sponte sua abstinuit. Quarti gradus pica, eaque pessima recensetur a D. JOH. MICH. FEHRIO *Misc. Nat. Cur. Dec. I. Ann. I. Obs. 83.* his verbis: Degit iam hic Suinfurti puellus 6 circiter annorum, murarii filius, qui a tempore ablactationis statim cretam, pulueres, arenam edere gestiit, in hypocausto humi adhuc serpens ex omnibus fissuris & angulis puluerem anxie quæsiuit & degustauit; hoc scopis rite remoto, calceamenta arripiebat & in iis hærens lutum s. v. abradebat, adeo, ut nec adhortatione, nec minis coerceri potuerit. Crescente ætate & hic præter naturalis appetitus ita increuit, ut postmodum copiosius arenam (interdum una vice mensuram pilei semiplenam) calcem, carbo-

carbones, lateres, ellychnia, carnem crudam & farcimina deglutiuerit, citra ullam querelam & dolorem &c.

§. VII.

Non abs re fuerit, melioris ordinis gratia res omnes inepte appetitas discescere in tria regna. Primum erit vegetabilium, alterum animalium, tertium ^{vel uegetabile.} fossilium. Ad classem vegetabilium pertinent amurca, axungia & pix naualis, de quibus videri possunt JOH. DOLÆVS *Encyclop. Med. Lib. V. de morbis mulierum, cap. VI. p. m. 421. & Misc. Nat. Cur. Dec. I. Ann. II. Obs. 209.* Tartarus vini, quem incredibili quantitate foemina quinquagenaria comedit ap. NIC. NICOLVM *Serm. V. Tract. IV. c. 36. fol. 57. b.* Frumentum atque triticum in maxima copia a puella 15 annorum deuorata ap. PETR. FORESTVM *Lib. XVIII. Obs. VII. p. m. 141.* Et FEHRIO nota fuit foemina præclara Lipsiensis, quæ singulis ferculis etiam orbem tritico crudo plenum apponi curauit, quo alternatim vesceretur. *vid. Misc. Nat. Cur. Dec. II. Ann. I. Obs. 83. p. 184.* Semina fagopyri decorticata (Heidegrüße) tres sorores nobiles virgines forma & opibus præstantes semper secum circumtulerunt & comederunt ex *Obs. JOH. FR. HILDESII ap. SCHENCKIVM Obs. Med. Lib. III. O. I. de pica p. 320.* Arborum sentiumque ramos & folia, lactucam, brassicam capitatam una cum caulibus præter absurda reliqua in magna copia deuorauit puer epilepticus notante ROSINO LENTILIO in *Misc. Nat. Cur. Dec. II. Ann. II. p. 329.* De puella bimula, quæ carbones, cretam & ex parietibus calcem & lutum auide deuorauit, postea vero in febrem, Diarrhœam, denique in Atrophiam

phiam incidit. *vid. Misc. Nat. Cur. Dec. II. Ann. 7. Obs. 79. p. 143. Autore JOH. AVENIO.* Nobilis alia foemina carbonem arenamque comedit & se in illis gratissimum dulcorem experiri libere confessa est, de qua BERNH. VERZASCHA *Obs. 92. p. 238.* Cineres atque terra a puerulo trium annorum PETR. JOH. FABRI filio magno appetitu efflagitata & comesta, *vid. in Eius Operum Vol. II. Cur. 62. p. 722.* Cineres, carbonem & cretam magna quantitate singulis fere diebus deuorauit mulier quaedam grauida ap. PHIL. GRVLINGIVM *Curat. Medic. Cent. VI. Cur. 5. p. 6.* Stramen puella nobilis, ubicunque habere potuit, auide comedit. Cumque ob eam rem grauitur a matre obiurgaretur, de nocte, nemine aduertente, illud e lecto, in quo cubuit, clam deuorauit, notante HILDESIO ap. SCHENCKIVM l. c. Foenum, stramen aliaque inepta DAN. SENNERTVS in *Paralipomenis* Gossypium, lanam, lapillos, terram, cretam variaque absurda comedebat puella quaedam apud AMATVM LVSITANVM *Centur. III. Cur. 86. p. 335.* Principis cuiusdam pellex mane integros lini aut stupæ manipulos plenis buccis estauit JOH. LANGIO *Epist. Med. Lib. II. Ep. 12. p. 556.* memorante. Fila ex vestibus, quibus confutæ fuerunt, extracta comedit nobilis puella apud VICT. TRINCAVELL. *de rat. curandi partic. corp. hum. affect. Lib. VII. cap. 5. p. 173.* Mulieris, quæ fila duplicata mastigare & comedere solebat, meminit HILDESIVS ap. SCHENCKIVM l. c. p. 320. & ROSINVS LENTILIVS in *Misc. Natur. Cur. l. c.* Ex his cuspidata & reticulata, singulari artificio pro mulieribus facta ornamenta

(gene-

(genehete oder geflöppelte Spitzen) deglutiuit nobilis quædam Parisiensis fœmina, narrante GEO. PHIL. HARSDOERFFERO im grossen Schau-Platz Lehr- und Sinn-reicher Geschichte, *Hist.* 67.

§. VIII

Ad Classẽ animalium referri possunt anguillæ vel animale crudæ a diuersis mulieribus deuorata, notante PETR. FORESTO *Libr. XVIII. Obs. 7. in Scholiis p. 141.* Mulier quædam Dresdæ, prima vice grauida, duodecim vivis nullis capita mordicus auferebat, illaque deuorabat. Alia ibidem cyprinum pondere ferme unius libræ viuum a capite usque ad caudam edebat. *Misc. Nat. Cur. Dec. I. Ann. 2. Obs. 209. p. 312.* Gammaros viuos comedit, cum utero gereret, mater TRINCAVELLII, ipso testante *l. c.* Puella decem annorum ab infantia ranas, lacertas, mures, serpentes, cœcilias, variaque insecta, item carbones maxima cum voluptate deuorabat, quæ grauibus postmodum correpta symptomatibus tandem exspirauit, notante JOH. MICH. FEHRIO *Misc. Nat. Cur. Dec. II. Ann. 1. Obs. 39. p. 110.* Bufonem viuum grandem inter alia inepta deglutiit vinitor mente captus, annos circiter 65 natus, obseruante NIC. de BLEGNY *in Zodiaco Med. Gall. Ann. I. Mens. Maio Obs. 2. p. 86. & 87.* Scorpiones & araneas citra noxam ingurgitauit adolescens quidam fatuus Patauinus, notante JOH. RHODIO *Cent. Med. III. Obs. 91. p. 172.* Puella quædam Hafnienfis tenera adhuc ætate libenter araneas clanculum ingerebat, teste TH. BARTHOLINO *Hist. Anat. rar. Cent. I. Hist. 44.* Similes puellas notauit PETR. BORELLVS *Cent. III. Obs. 19. p. 213. & 214.* Plura

exempla suppeditat STALPART van der WIEL *Cent. poster. Obs.* 22. p. 248. *sequ.* Puellam ita lacertorum desiderio detentam, ut, quoties illi liceret, arrepta fronde oblonga per hortum currendo venaretur innoxieque deuoraret, vidit MARCELLVS DONATVS *in Hist. Med. Mirab. Lib. IV. c. 1. p. m. 296.* Petrum Corrigium, Ludouici Regis Hungariæ aulicum, mures viuos, præcissas felium caudas, abiecta in plateis cadauera vermibus scatentia absque nausea deuorasse refert NICOL. ISTHVANFFIVS *Lib. VIII. Rer. Hungaric. p. m. 87.* Pellem ouillam cum lana deuorasse foeminam Delphensem scribit P. FORESTVS *Lib. XVIII. Obs.* 7. p. m. 141. Puellam duodecim annorum coria, præsertim auro argentoque nitida, deglubisse ac deglutiisse: alias mulieres calceamentorum soleas, carbones, calcem, terram & similia comedisse, ac si Nectare & Ambrosia nutrentur, refert DOMINICVS PANAROLVS *Pentecost. III. Obs.* 38. p. 186. Puer seuum & candelas deglutiit, itemque grauida quædam rustica interdum candelas omnes abliguriuit, adeo, ut, cum maritus circa vespæram rediisset domum, iussissetque candelam accendi, factum absurdumque appetitum uxor fassa & culpam deprecata sit. MELCH. SEBITZIVS *de Alimentor. facult. Lib. V. Probl.* 69. p. 1384. Legimus in pago non longe ab Andernaco, Episcopi Colonienfis oppido, in litore Rheni, malacia laborantem carne mariti vesci desiderasse atque, licet percharus esset, hac duntaxat de causa occidisse illum & dimidia fere carne dilecti coniugis saturatam, reliquum sale macerasse. Lembergi vero sacerdotem lotis & nudis pedibus egressum balneo

balneo mulier grauida subsecuta, pedum desiderio capta, procidit a tergo in genua ac, ambabus manibus crure altero apprehenso, de calce sacerdotis mordicus frustum euulfit dentibus. Mulier alia uterum ferens desiderio humeri pistoris denudati & panem ad furnum deferentis irretita, mœsta omnem cibum, præter carnem de pistoris humero, fastidiebat. Maritus uxoris misertus, certam pecuniam pro singulis de humero pistoris moribus cum eo paciscebatur. Duos itaque dentium mulieris insultus fertur sustinuisse tertium vero, doloris pertæsus, ferre noluit. Mirum quid accidit. Mulier tergeminos est enixa, duos viuos, tertium vero mortuum. Hæc JOH. LANGIVS *Epist. Med. Lib. II. Ep. 12.* ex quo HORATIVS AVGENIVS suppresso Autoris nomine narrat *Epist. & Consult. Medicinal. Lib. III. p. 426.* Stercus bubulum comedisse foeminam quandam narrat DAN. SENNERTVS in *Paralipomenis.* Nobilis quædam virgo stercorea humana auidissime exoptabat & puluerisata, tanquam tragemata, comedebat, latrinarum crustas chartæ inuolutas secum ferens ap. P. BORELLVM *Cent. IV. Obs. 2. p. 281.* Alia rustica mulier mariti merdam adhuc calentem summo cum delectamento ingessit. vid. CHR. FRANC. PAVLLINI *Obs. Med. Phys. Cent. II. Obs. 53. p. 216.*

§. IX.

E fossilium genere terra est. Puerum haud vel minerale. aliter eam comedentem, quam panem vidit HIERON. MERCVRIALIS *Præle& Patau. Lib. III. cap. 6. p. 273.* Grauidam quandam in maxima copia cretam vorasse perhibet P. FORESTVS *Lib. XVIII. Obs. 7. p. 141.* Ædi-

tuus quidam in cœnobio Schoenfeldensi pluribus annis arenam avidissime & appetiit & deuorauit, ac inde se magnam valetudinis commoditatem percipere asseruit, notante GEO. OETHEO *ap.* SCHENCKIVM *Obs. I. p. 320.* Mulier alia ætatis prouectæ, adeo, ut amplius non pareret, quotidie solita fuit comedere bonam partem arenæ, tantoque appetitu & delectatione, ut ea carere nunquam posset, sed etiam noctu vicinam lecto reponeret, quo præsto esset: arena erat non limosa, sed granulosa: pro vice tantum capiebat, quantum pugno comprehendere poterat, referente CASP. WOLPHIO *ap.* SCHENCKIVM *l. c.* Alia, suppressione mensium diu laborans, cachectica & decoloratissima, esu argillæ, qua etiam utebatur, ob picam satis expleri non potuit, notante HIERON. REVSNERO *in Observat. per* GEO. HIERON. VELSCHIVM *edit. 69. p. 40.* Puella quædam laborauit vehementi auiditate vescendi lapillis, præsertim iis, qui aliquandiu lunæ radiis fuerunt expositi, utpote quos longe iucundioris & suauioris saporis censebat præ cæteris, notante LVDOVICO de la FORGE *in* Notis ad REN. CARTESII *Tract. de homine p. m. 92.* Rusticus quidam quadraginta annorum, homo robustus, firmæ valetudinis, fortunæ satis commodæ, frustra collifarum ollarum, quocunque pergebat, secum ferre solitus fuit & dentibus non minori appetitu comminuere, ac si panem bis coctum, aut libum duriusculum manderet. Idque adeo in deliciis habuit, ut uxori ipsius necesse fuerit, ollas & eiusmodi fictilia summa cura reclusa præseruare, ne culina ollis destitueretur, narrante OETHEO

OETHEO *ap.* SCHENCKIVM *l.c.* Et nota fuit RODERICO a FONSECA mulier, quæ vasa terrea cocta quotidie comedebat & tota vita & cum iam fenesceret, correpta feбри acuta non potuit abstinere ab esu testarum, quas clam deuorauit, *vid.* EIVS *Consult. Med.* 94. p. 557. Puella quædam calcem a parietibus derafit & comedit. TRINCAVELL. *de rat. curandi partic. hum. corp. affect. Lib. VII. cap. 5. p. 173.* Tres virgines sorores, eiusdem parentis filiæ, ex esu calcis intra triennium sublatae fuerunt, quarum ultimam nec primæ, nec secundæ mors ab illius esu deterruit, *vid.* CASP. a REIES *in Camp. Elysio iucund. Question. Q. 50. p. 621.* Studiosus quidam Vpsaliæ degens cum pica plane insolita conflictatus est, dimidio namque anno orexi laborauit tanta, ut nullis cibis vulgaribus, quantumuis solidis, satiari potuerit, adeo & durissima quæque & ipsa metalla, æs, ferrum, argentum, ut fortuna obiiceret, appetiit auideque hausit. Inter alia ferreum cultellum digiti longitudine dentium molitione diu frustra fatigatum abliguriuit totum, qui, cum aliquot post dies ab aluo deiceretur, semesus apparuit & aliqua sui parte minor: certe tam mollis factus erat, tamque friabilis, ut digitorum attritu in crocum faceretur, referente JOH. NIC. PECHLINO *Lib. II. Obs. 55. p. 344. & 345.* Filia Consulis Amstelodamensis tantum non delectata, verum auide & ad satieta-tem usque fruita plumbi laminis minutim concisis & cespite sulphureo, ad instar alimenti vel maxime familiaris. *vid.* NIC. TVLPIVS *Lib. IV. Obs. Med. cap. 24.*

§. X.

Causa morbi.

Quæritur iam de causa huius affectus, unde scilicet fiat, quod appetitus ad eiusmodi objecta inusitata, inepta, sordida & absurda feratur? Mirum haud foret, si tale quid committerent mente capti, maniaci, melancholici, fatui, aut febricitantes graui delirio correpti: At hominem, cui sanæ rationis integer usus est, adeo turpiter peccare circa selectum ciborum, & quidem nulla urgente necessitate, id profecto fidem pene superaret, nisi obseruationibus confirmaretur vix numerandis. Ante omnia proinde moneo, ad mentem non pertinere iudicium de saporibus, sed ad animam, quam cum brutis communem habemus, sensitiuam puta. Quanquam vero dictamen sanæ rationis in hoc passu abstinendum esse a talibus ineptiis suadeat, non paret tamen anima, quemadmodum v.g. interrore, ira, salacitate, motibus conuulsiuis, aliisque casibus anima tam secundum, quam præter naturam, agit, quod vult, etiam si mens vel maxime contradicat.

§. XI.

Subiectum.

Pertinere autem picam ad animam sensitiuam, velleo ipso probari posset optime, quod etiam bruta hoc malo interdum tententur. Equidem fateor, difficile hoc esse probatu, quoniam bestia secundum naturam appetunt, quæ hominibus inepta sunt. Felis captat mures, aues piscesque, ciconia ranas & serpentes, gallinæ araneas & lapillos, porci etiam sterco humanum. Quæcunque igitur CHR. FRANC. PAVLLINI in Dec. II. Ann. V. Append. Obs. 5. p. 8. de morbo

morbo pica picæ auis refert, paulo attentius exami-
nari merentur. Pharmacopœus quidam, inquit,
cicurem alebat picam foemellam, quæ non tantum
araneis, minutis pisciculis, quos fundulos dicimus,
caseo, sed etiam maiusculis aliquando lapillis, fria-
bilibustamen, imo cicutæ semine citra noxam cupi-
de vescebatur: vorato tandem foliolo (quod dome-
stici notarunt) Afari, fauste purgabatur, inordinato
isto appetitu ad duos fere menses cessante, quibus ve-
ro elapsis, rediit. Certe inter pennata sunt alia car-
niuora, ut corui &c. aliagranuora, ut columbæ &c.
alia promiscue granuora & carniuora, uti anates.
Quis vero determinabit cuique conueniens pabulum?
Quid si pica ex incuria aut per lulum quasi semen ci-
cutæ aut folium afari inter alia deglutiuerit, quem-
admodum gallus Indicus nummos ex Aurichalco fa-
ctos pabulo admixtos auide vorat, notante THOMA
CORNELIO CONSENTINO in *Progymnasmate VI.*
de Nutritione p. m. 207. & 208. De quibus notum est,
eas haud raro suos deuorare foetus. De cane venati-
ca itidem refert NATHANAEL FAIRFAX in *Actis*
Anglicanis 1667. Mens. Nouembri p. 447. eam paucis die-
bus ante partum, licet quotidie ad satietatem nutri-
retur usitato alimento, tantâ affectam fuisse famis
præternaturalis violentia, ut repertos alterius canis
catulos quatuor quinqueue deuoraret, & ipsam eo-
rum matrem adoriretur, ut vix ab eius rabie liberari
potuerit. Hæc quidem pro picæ mulierum analogo
in brutis habentur ab Autore allegato; attamen pa-
rum probarent, nisi aliæ suppeterent historia. Quod
C si

fi autem verum est, felem RIVERII domesticam, & quidem sterilem, carbones & cineres comedisse, postquam a multis diebus alium detrectaret cibum, quemadmodum in EIVS *Cent. IV. Obs. 93. p. 654.* legimus, maiorem mereretur fidem.

§. XII.

Quicquid tamen sit, saltem hoc verum est, pertinere picam ad morbos spirituum, siue animæ sensitivæ: siquidem huius officium est, non modo sentire, mouere, sed etiam curam gerere vitæ ac sanitatis. Sane mens humana tanquam mere spiritualis mortem haud metuit, ideoque nec cibo potuue indiget, ad cogitationes sublimiores destinata. Verum, quam communem cum brutis habemus, materialis anima, vulgo sensitiva, ignobilioribus destinata functionibus, circa ea versatur, quæ pariter materialia sunt. Ante omnia instructa est a DEO certo appetitu, beneficio cuius alimentum laudabile ab illaudabili, eiusque defectum, sufficientiam & excessum distinguit & obseruat. Hunc in finem sensibus instruitur anima, ut e. g. in stomacho tactu percipiat eius vacuitatem repletionemque: visu autem, olfactu, gustuque, quo facultates cibi potusque explorare accuratius & utile ab inutili discernere valeat.

§. XIII.

Disputent alii de sede huius appetitus aut parte affecta in pica vel aliis concurrentibus humorum vitiis. Scio a GALENO *Operum Classe II. de Caus. Sympt. Lib. I. Cap. 7. p. m. 36.* ventriculi tunicas accusari, quatenus vitiosum aliquod excrementum imbibere

biberunt & *Class. IV. de locis affectis Lib. V. Cap. 6. p.m. 67.* os ventriculi, puta superius. Scio plerosque humores eiusmodi prauos ex utero repetere: alios cerebrum allegare: alios linguam: alios saliuam. Lego in JOH. MATTHÆI *Quæst. Med. XII. p. 59.* quæstionem: An pica solius ventriculi & uteri vitio fiat? ad quam ita respondet: Causam huius mali GALENVS, AETIVS, ACTVARIVS, e recentioribus MERCATVS, MONTANVS, SAVONAROLA, & quotquot de morbis mulierum scripserunt, in corruptos & indicibilis qualitatis humores, vel vapores ex utero ascendentes & ventriculum occupantes coniecerunt, quasi pro varia humorum & vaporum ex utero in ventriculum irrepentium conditione, varia & insueta edulia appetantur. Susplicor tamen huius appetitus causam minus philosophice soli ventriculo imputari. Etsi enim ventriculi officium sit cibum appetere, ciborum tamen electio, hunc scilicet cibum tanto ardore appetere & eligere, illum renuere, penes cerebrum esse videtur. Eligere namque & diiudicare cibos, hunc vel illum, licet pretiosum & insuetum, appetere, posthabito & neglecto omni periculo, non ventriculi, sed cerebri vitio accidit &c. Quapropter dubium non est, quin inordinatus ille & præternaturalis prægnantium appetitus, si non ex cerebro solo a prauis & corruptis uteri exhalationibus infestato, saltem simul & una cum ventriculo affecto oriatur &c. Longe aliter sentit CAROLUS FRACASSATUS *Exercit. Epist. de lingua p.m. 255.* qui picæ causam in papillarum linguæ vitio quærit, existimans, illas veluti scirrhasaspe-

ra & acria poscere ac insueta, ut valida motio in illis succedat, ut inde sentiant. Si denique MICH. ETTMULLERVM *Oper. Tom. II. Colleg. Pract. Cap. 2. Art. 2.* audiamus, vitium aliud erit in stomacho, videlicet fermenti depravati, quod pro causa picæ habet, aliud in ore, scil. salivæ corruptæ, gustum deprauantis, aliud in phantasia, in qua sedem primariam picæ & malaciæ collocat, adeoque subiectum inhaesionis nominat.

§. XIV.

Causa proxima.

Ast, si rem accuratius pensitare velimus, vera & proxima picæ causa non est in solidis partibus, non in humoribus quærenda, sed unice in ipsa anima male cibos diiudicante. Quamvis enim famem sentiamus in stomacho, nequaquam tamen credendum est, fibras eius aut tunicas glandulosam, carnosam, nervosam appetere, sed potius inhabitantem animam, quæ in hoc organo sentit alimentorum defectum, adeoque desiderat, quæ utilia & necessaria novit. Multo minus de humoribus dici potest, quod appetant. Fermentum sane ventriculi nullum est: humores acres ab utero ascendentes ad ventriculum & cerebrum per modum vaporis, fictitii sunt, saltem in pica allegari nequeunt, quoniam hic morbus non sexui sequiori proprius est, sed cum virili communis.

§. XV.

Appetitus erroneus.

In hoc nimirum consistit pica, quod anima appetat, quod appetendum non erat, & oblectamentum quærat in eo, quod approbari non meretur. Profecto secundum naturam quæ iucunda, quæ utilia, quæ neces-

necessaria sunt, præter naturam peccamus omnino, si pro iucundis aut utilibus vel necessariis habeamus, quæ reuera non sunt. Numquis sapor est in insipidis, arena, creta, lapillis? &c. quæ suauitas esse potest in crudis piscibus, stercore humano? &c. Videlicet idem hoc in passu accidit pica laborantibus, quod aliis, quibus odor ambræ ac moschi, florum hyacinthi, iasmini, citri & aurantiorum similiumque suaueolentium adeo abhorret, ut etiam animi deliquium a tali fragrantia experiantur, e contrario foetore castorei, fumo accensorum crinium pennarumque recreentur mirifice. Sic trahit sua quemque voluptas. Fortassis e re fuerit in originem picæ paulo accuratius inquirere, ita enim apparebit non obscure, in principio eam quandoque proficisci ab imprudentia, quemadmodum videmus infantes, quicquid ad manus peruenit, in os ingerere, e. g. crepitaculum, lupi dentem, nummos, cultrum, aliaque ferramenta. Deinde continuatur hic error per lulum iocumque, per petulantiam, imitando alios, aut prouocando ad factum insolitum, qui enim natura simpliciores sunt, vel ad stultitiam procliues, tentant interdum absurda quæuis. Equidem nos omnes

Nitimur in vetitum semper cupimusque negata, Multo magis ii, qui sibi duritiem atque contumaciam laudi ducunt. Quam difficulter autem error hic, si aliquandiu continuatus in consuetudinem abierit, iterum corrigatur & extirpetur, vel unicum exemplum illorum probare potest, qui Tabaci fumo adeo delectantur, ut si fistula iis negetur, masticare ipsam her-

bam non dubitent. Estne vero aliqua dulcedo vel suavitatis odoris saporisve in hac Nicotiana, quæ reuera nobis placere possit? Annon potius phantastica siue imaginaria, quam nemo persentiscit, nisi, qui primum tolerare fumi molestiam acrimoniamque didicit, etiam non sine difficultate? Ecce iam viro dignissimum opus, scilicet affectatæ picæ non dissimile. At vereor, ne gentes barbaras nouique orbis incolas, instar simiarum, imitari volentes, paulo post Asiam quoque fœtidam pro condimento ciborum in usum trahant, aut, more Anthropophagorum, fumantia adhuc intestina fecibus sarcta e corporibus protrahant, ut vorent.

§. XVI.

Cura.

Quid ergo consilii? Sit ita, picam morbum esse phantasticum, quæ vero huius erunt remedia? Consultamus experientiam. Superius §. VIII. e PANAROLO adduximus historiam puellæ, quæ corium inauratum decorticabat, perdidit autem omnem appetitum id degustandi, postquam infuso colocynthidis asæque fœtidæ undique imbutum esset. Ad huius imitationem possumus rem desideratam in pica reddere prorsus ingratam, ut hoc pacto idea illa erronea appetitus præternaturalis per impressionem nouæ ideæ, sed fortioris, excitata nausea iterum exstinguatur. Id quod feliciter successisse in aliis dubium non est. Ex relatione Domini Præsidis habeo: puerum quendam fere trimulum & quidem e familia honesta oriundum observabant, sæpius arena in pavementum sparsa, ludere, illamque degustare. Hoc, ut euitaretur, ex hypocausto eiicie-



eiiciebatur arena omnis, neque sic tamen erroneus ille appetitus pueri exstinctus fuit, utpote qui non modo reliquias arenæ, quas inter asserum interstitia fouebant, cum cura extremis eruebat digitis, sed & hinc inde angulos perquirebat diligenter, ubi quisquiliæ cum scopis erant repositæ. Hac de re cum apud modo laudatum Virum conquereretur mater, iussit aloën pulverisatam ubique arenæ admiscere, sed clanculum, ne puer id observeret. Ita paucos intra dies, postquam ubique degustasset ingratum ferculum, sponte a suo destitit instituto, liberatusque a pica est.

§. XVII.

Neque contemnendum Consilium AVICENNAE per vomitoria.
Lib. III. Fen. XII. Tract. II. c. XI. fol. m. 595. b. quando lutum, similemue rem in pica desideratam, cum emetico propinare iubet; ita enim fit, ut natura postmodum abhorreat, quæ cum vomitu reiecta fuerunt. Hunc procul dubio secutus PHIL. GRVLINGIVS *Med. Curat. Cent. VI. Obs. & Curat. V. p. 6.* etiam in grauidis optimo cum successu lene vomitorium exhibuit, aut loco eius infusum ex Fol. Sennæ, Rhabarb. & Mechoacann. in ∇ Cichor. Borrag. & Cinamom. addito syrupo de Cichor. cum Rhabarb. Et BERNH. VERZASCHA *l. c.* puero octo annorum infusum croci metallorum cum vino albo factum ad ℥j. felici euentu præscripsit. In prægnantibus autem, ubi propter metum abortus hoc infusum dare non licuit, similem potionem blande purgantem ex Rhabarb. Hb. Betonic. & Card. bened. cum cortic. Aurant. non semel utilissimam expertus est.

§. XVIII.

Conferunt autem eiusmodi pharmaca tum maxime, Alterantia.

humores aci-
dos

xime, cum vitiosi humores in stomacho collecti appetitum cibi usitati destruunt, eoque ipso ægris occasionem præbent, tentandi ac degustandi varia. Nam & hoc in passu alterantia & acidum destruentia suam mereri laudem poterunt. Quis enim dubitet, Studiosum, cuius JOH. NIC. PECHLINVS *l. c.* meminit, acidum potentissimum in ventriculo aluisse, quod ferrum solvere potuit? Sic alii forsitan arenam & lapillos, quos ab initio per errorem assumpserunt ac postmodum stomacho grata experti sunt, vel ideo avidius deuorant, quod his deglutitis melius se habeant. Præ omnibus igitur commendarem Limaturam ♂ in hoc casu, cuius solius usu, ex consilio Domini Præsidis, restitutam noui puellam septem annorum, tum temporis Pica simul & Diabete laborantem, quæ hodie adhuc satis vegeta atque sana in matrimonio viuit, immunis ab omni pica, etiam, cum grauida esset. Huc refer Salia fixa, vel etiam volatilia. Instar omnium fixorum sit oleum Tartari per deliquium, quod solum, ad plures guttulas exhibitum, in cura picæ satisfecit JOH. DOLÆO *l. c. p. 47.* Salia volatilia vero comperta sunt præ aliis omnibus efficacissima FRANC. de le BOE SYLVIO *Lib. I. Prax. Med. Cap. II. §. 48. p. m. 162.*

§. XIX.

vel bilem acri-
orem.

Si humores biliosi ardorem in stomacho excitent, quod grauidis frequenter accidit, eoque ipso ad assumenda frigida inuitent, ut pisces etiam crudos vorent, aut ipsam glaciem, qualem historiam refert ANTONIVS MVSA BRASAVOLVS *Comment. in Hipp. & Galen. Aphor. XXIV. p. m. 808.* consultum est refrigerantia & diluentia præscribere.

Hæc sufficiant.

S O L I D E O G L O R I A.